

02-05-1916/19

Sarajevo, 07-08-2019 godine

Na osnovu člana 69. stav (3) Zakona o javnim nabavkama ("Službeni glasnik BiH", broj 39/14), direktor JP "SARAJEVO" d.o.o. donosi slijedeću:

ODLUKU **o otkazivanju postupka javne nabavke**

I

Otkazuje se postupak javne nabavke putem konkurentskog zahtjeva broj: 02-05-1766/19, zajedno sa obavještenjem o nabavci broj: 16818-7-1-51-3-30/19 objavljenim na Portalu javnih nabavki dana 19-07-2019 godine, a koji se odnosi na nabavku radne odjeće za potrebe preduzeća.

II

Konkurentski zahtjev se otkazuje u skladu sa članom 69. stav (3) Zakona o javnim nabavkama (u daljem tekstu: Zakon), odnosno zbog dokaznih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Postupak se otkazuje zbog toga što je Pravilnikom o organizaciji i sistematizaciji radnih mjesta broj: SP-01-05-1534/19 od 01-08-2019 godine, radno mjesto "koordinator putnika" – na Sarajevskoj žičari, za koje zaposlenike je i bio objavljen konkurentski zahtjev za nabavku radne odjeće, ukinuto.

IV

U skladu sa članom 70. Stav (6) Zakona, JP "SARAJEVO" d.o.o. će ovu Odluku objaviti na svojoj internet stranici www.jpсарajevo.ba, te će objaviti Obavještenje o poništenju na Portalu javnih nabavki.

OBRAZLOŽENJE

JP "SARAJEVO" d.o.o. je u skladu sa Zakonom pokrenula postupak nabavke-radne odjeće (Konkurentski zahtjev), broj: 02-05-1766/19, te je na portalu javnih nabavki dana 19-07-2019 godine objavljeno i obavještenje o nabavci broj: 16818-7-1-51-3-30/19.

Na osnovu obavještenja o nabavci i tenderske dokumentacije zakazano je i održano javno otvaranje ponuda 30-07-2019 godine u 10:30h, u prostorijama JP "SARAJEVO" d.o.o., ul. Brodac 1., što je i konstatovano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponude predali dva (2) ponuđača.

Odmah nakon otvaranja ponuda, tj. dana 01-08-2019 godine stupio je na snagu Pravilnik o unutrašnjoj organizaciji i sistematizaciji radnih mjesta JP "SARAJEVO" d.o.o., broj: SP-01-05-1534/19 od 01-08-2019 godine prema kojem su radna mjesta "koordinator putnika" na Sarajevskoj žičari - (za koje radnike je, njih pet (5) i bio objavljen konkurentski zahtjev za nabavku radne odjeće) ukinuta.



Novim Pravilnikom o sistematizaciji i organizaciji radnih mjesta, raniji Pravilnik je stavljen van snage.

Imajući u vidu naprijed navedeno ugovorni organ apsolutno ne bi imalo koristi od zaključenja ugovora za nabavku radne odjeće. Ugovorni organ bi zaključenjem takvog ugovora došao u situaciju da započne sa realizacijom ugovora od kojeg nema koristi, odnosno ugovor ne bi bio svrsishodan, obzirom da su zaposlenici koji su bili raspoređeni na radnim mjestima koordinator putnika i za koje je u konačnici javna nabavka i trebala biti realizovana, više nisu raspoređeni na radnim mjestima na kojima je potrebna radna odjeća.

Jasno je da ugovorni organ nije imao namjeru da otkazuje postupak, nego da isto mora učiniti obzirom da bi provođenjem postupka javne nabavke potrošio novac na robu koja mu više nije potrebna i od koje ne bi imao koristi i koja ne bi čak mogla koristiti ni drugim zaposlenicima, raspoređenim na drugim radnim mjestima.

Ugovorni organ bi realizacijom ugovora pretrpio značajnu materijalnu štetu i u svojim zalihama bi imao robu koja je nepotrebna i neodgovarajuća.

Shodno naprijed navedenom, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se uputiti žalba u roku od pet (5) dana od prijema ove Odluke. Žalba se izjavljuje Uredu za razmatranje žalbi BiH, putem ugovornog organa, u pisanoj formi direktno, elektronskim putem ili preporučenom postanskom pošiljkom. Žalba se podnosi u dovoljnom broju primjeraka.

JP "SARAJEVO" d.o.o.

Direktor, Ensar Eminović